



# ԱՌԱՋՆՈՐԴԱՐԱՆ ՀԱՅՈՑ

Ա.Ս. ՆԱՅԱՆՎՆԵՐՈՒ ԱՐԵՄՏԵԱՆ ԹԵՄԻ

**WESTERN PRELACY**

OF THE ARMENIAN APOSTOLIC CHURCH OF AMERICA

**H.E. ARCHBISHOP MOUSHEGH MARDIROSSIAN, PRELATE**

Tel: 818-248-7737/8, Fax: 818-248-7745

E-mail: [info@westernprelacy.org](mailto:info@westernprelacy.org) Website: [www.westernprelacy.org](http://www.westernprelacy.org)



## ԱՐԵՄՏԵԱՆ ԹԵՄԻ ՀՈԳԵՒՐԿԱՆԱՑ ՀԱՄԱԳՈՒՄԱՐ

Հիւսիսային Ամերիկայի Արեւմտեան Թեմի Ազգային Երեսփոխանական Ժողովի 39րդ նստաշրջանի նախօրեակին, Չորեքշաբթի, 11 Մայիս 2011ին, առաւօտեան ժամը 10:30ին, Ազգային Առաջնորդարանիս »Տիգրան եւ Չարուհի Տեր Ղազարեան« սրահին մէջ տեղի ունեցաւ հոգեւորականաց միօրեայ համագումար, նախագահութեամբ Թեմիս բարեխնամ Առաջնորդ Բարձր. Տ. Մուշեղ Ս. Արք. Մարտիրոսեանի, եւ մասնակցութեամբ Թեմիս միաբան հայրերուն եւ քահանայից դասուն:

Համագումարէն առաջ, «Ս. Տրդատ եւ Ս. Աշխէն» մատրան մէջ կատարուեցաւ Առաւօտեան ժամերգութիւն:

Արարողութեան աւարտին, «Տիգրան եւ Չարուհի Տեր Ղազարեան» սրահին մէջ հոգեւոր խորհրդածութեան պահը առաջնորդեց Առաջնորդ Սրբազան Հայրը, որ մեկնելով Պետրոս Առաքեալի երկրորդ Ընդհանրական Նամակի 1.1-8 համարներէն, վեր առաւ ընդհանրապէս քրիստոնեային եւ յատկապէս հոգեւորականին կոչումը, Առաքեալին բառերով հրաւիրելով համագումարին մասնակցող եկեղեցականները Տեր Յիսուսի գիտութեամբը լեցունելու եւ անգործ ու անպտուղ չմնալու:

Առաջնորդ Սրբազան Հօր հոգեւոր խորհրդածութենէն ետք, համագումարը սկսաւ իր աշխատանքներուն: Առաջնորդ Սրբազան Հայրը նախ ողջունեց երեց միաբանակից եղբայրը՝ Գերշ. Տ. Եփրեմ Արք. Թապագեանը, ինչպէս նաեւ բոլոր հոգեւոր հայրերը, գնահատելով անոնց նուիրումն ու մատուցած ծառայութիւնը հոգեւոր մարզէն ներս, բոլորը հրաւիրելով՝ լաւէն լաւագոյնին ձգտելու եւ անխոնջ ծառայելու:

Առաջնորդ Սրբազանը նաեւ Թեմական աշխատանքներու համապարփակ ներկայացումը կատարեց, սկսելով հոգեւոր-արարողական կեանքէն, ժողովուրդին հետ քահանայից յարաբերութենէն, շեշտելով նամանաւանդ Թեմս երիտասարդ ու պատրաստուած նոր քահանաներով օժտելու աշխատանքները: Ապա մաղթեց, որ ժողովական այս օրը ընթանայ հեզասահ ու դառնայ՝ պտղաբեր:

Սրբազան Հօր բացման խօսքէն ետք կատարուեցաւ Դիւանի ընտրութիւն: Հոգեւորականաց Համագումարի Դիւանի անդամ ընտրուեցան Գերպ. Տ. Միւռն Ծ. Կրդ. Ազնիկեան, ատենապետ, իսկ Արժ. Տ. Արտակ Զինյ. Տեմիրճեան, ատենադպիր: Ատենապետ Հայր Սուրբը հրաւիրեց Եփրեմ Սրբազանը, որ ինք ալ, իր կարգին, իր սրտի խօսքը ուղղէ համագումարին մասնակից հոգեւորականներուն: Եփրեմ Սրբազան, նախ շնորհակալութիւն

յայտնեց Առաջնորդ Սրբազան Հօր, իրեն տուած այս հրաւերին համար եւ թեմէն ներս անոր տարած ժիր ու կայտառ աշխատանքին համար, ապա կոչ ուղղեց քահանայ հայրերուն, որ համախումբ աշխատանքով կարենան լաւագոյնս յագուրդ տալ ժողովուրդի հոգեւոր ու ազգային կարիքներուն, անելցնելով՝ թէ որակեալ քահանայից խումբով է որ կ'ապահովուի թեմիս յառաջընթացն ու յաջողութիւնը:

Ա. Նիստի ընթացքին, ներկայացուեցաւ Ազգային Երեսփոխանական Ժողովին յղուելիք Կրօնական Ժողովի տարեկան տեղեկագիրը:

Կեսօրին, սիրալիր մթնոլորտի մէջ, տեղի ունեցաւ սիրոյ ճաշ:

Համագումարի երկրորդ նիստը սկսաւ յետ միջօրէին: Արժ. Տ. Վիգէն Աւ. Թինյ. Վասիլեան, Հայ Մանուկի Տարուան առիթով ներկայացուց դասախօսութիւն մը, նիւթ ունենալով՝ «Հայ Մանուկի Կրթութիւնը անցեալին եւ այսօր»: Դասախօսութենէն ետք հոգեւորականները միասնաբար խօսեցան ծիական շրջաններէ ներս Հայ Մանուկի Տարուան առիթին նուիրուած կազմակերպուելիք ձեռնարկներու մասին:

Ապա տեղի ունեցաւ Կրօնական Ժողով: Առաջնորդ Սրբազան Հայրը եւ քահանայ հայրերը գեկոյցներ տուին յառաջիկային տարուելիք աշխատանքներու մասին: Կատարուեցաւ Ազգային Երեսփոխանական Ժողովի եկեղեցական երեսփոխաններու ընտրութիւնը, եւ բանաձեւուեցան համագումարին կողմէ Ազգային Երեսփոխանական Ժողովին ներկայացուելիք առաջարկները:

Համագումարի վերջին բաժինով, նկատի առնուեցան յառաջիկայ ամիսներու աշխատանքներու գլխաւոր հանգրուանները եւ յատկապէս 6-23 Հոկտեմբեր 2011-ին Ն.Ս.Օ.Տ.Տ. Արամ Ա. Վեհափառ Հայրապետի թեմիս շնորհելիք հովուապետական այցին մասին:

Եզրափակիչ խօսքով, Առաջնորդ Սրբազանը անգամ մը եւս գնահատեց համագումարին մասնակցող հոգեւոր հայրերը, կոչ ուղղելով բոլորին՝ դրական հոգիով ապրելու եւ բացարձակ բծախնդրութեամբ կատարելու իրենց վստահուած առաքելութիւնը:

Երեկոյեան ժամը 5:00-ին, վերջ գտաւ քահանայից համագումարը՝ Առաջնորդ Սրբազանին «Պահպանիչ»ով եւ «Աշակերտք Քրիստոսի» շարականի միատեղ երգեցողութեամբ:

## **ANNUAL PRELACY CLERGY CONFERENCE**

On Wednesday, May 11<sup>th</sup>, 2011, on the eve of the 39<sup>th</sup> Representatives Assembly, the annual Prelacy clergy conference was held at the Prelacy "Dikran and Zarouhie Der Ghazarian" Hall. The conference was presided over by H.E. Archbishop Moushegh Mardirossian, Prelate, with the participation of the clergy order.

The day began with Morning Services at the "St. Dertad and St. Ashkhen" Chapel.

Clergy members then headed to the hall for a spiritual meditation led by the Prelate who reflected on the calling and mission of clergy. Quoting from 2

Peter 1:8, the Prelate stressed that in order for their service to remain fruitful, they must grow in faith "in the knowledge of God and of Jesus our Lord" (2 Peter 1:2)

The conference then convened with opening remarks by the Prelate who welcomed H.E. Archbishop Yeprem Tabakian and clergy members, and commended their dedicated service.

The Prelate then briefly spoke on the endeavors of the Prelacy including religious services and rites, relations between clergy and their congregations, and the importance of having young and well-prepared clergy. He then wished success to the day's proceedings.

The election of the officers followed, with Very Rev. Fr. Muron Aznikian elected Chairman and Rev. Fr. Ardak Demirjian Secretary. Fr. Muron invited Archbishop Tabakian to deliver his remarks. Archbishop Tabakian thanked the Prelate for the invitation to participate in the conference and commended his hard work and efforts for the advancement of the Prelacy. He also urged clergy members to spare no effort in ensuring that the spiritual needs of their respective communities are fulfilled and noted that a well-prepared and devoted clergy order is vital to the successful realization of the Prelacy's mission.

During the first session the Religious Council report which will be presented at the Representatives Assembly was analyzed by the participants and revised accordingly.

After lunch, the second session convened with a lecture by Archpriest Fr. Vicken Vassilian on the educating of the Armenian child in the past and present day. A discussion followed on local events each parish is planning to celebrate the "Year of the Armenian Child".

A discussion on activities anticipated for the upcoming year then took place, followed by the election of religious delegates to the Representatives Assembly and the drafting of suggestions to present to the upcoming Assembly.

The last session was dedicated to the planning of the Pontifical Visit of H.H. Catholicos Aram I which will take place from October 6<sup>th</sup> to the 23<sup>rd</sup> of this year.

The conference concluded with the Prelate's closing remarks and benediction, and the day closed with the collective singing of the "Ashagerdk Krisdosi" (Disciples of Christ) hymn.